

太上老君常清靜



老子曰大道無形生育天地大道無情運行日月大道無名長養萬物吾不知其名強名曰道夫道者有清有濁有動有靜天地濁地動地靜男清女濁男動女靜降本流末而生萬物清者濁之源動者靜之基人能常清靜天地悉皆歸夫人神好清而情擾之人心好靜而

慾牽之常能遠其慾而心自靜澄其心而神自清自然六慾不生三毒消滅所以不能者為心未澄也慾未遠也能遠之者內觀其心心無其心外觀其形形無其形遠觀其物無其物三者既悟唯見於空觀空亦空無所空所空既無無亦無無既無湛然常寂靜無所寂慾豈能生慾既不生即是真靜真常應物真常得性常

應常靜常清靜矣如此真靜漸入真道名為得道難名得道實無所得為化衆生名為得道能悟之者可傳聖道老子曰上士無事下士好争上德不德下德執德執著之者不名道德衆生所以不得真道者謂見妄心既見妄心即於其身既於其身即著萬物既著萬物即生貪求既生貪求即是煩惱煩惱妄想憂苦身心使遭濁

辱流浪生死常沉苦海永失真道真常之道悟者自得得吾道者常清靜矣
太上老君常清靜經



仙人葛玄曰吾得真道嘗誦此經萬遍此經是天人所習不傳下士吾昔受之於東華帝君東華帝君受之於金闕帝君金闕帝君受之於西王母皆口口相傳不記

文字吾今於七書而錄之工士悟之昇為天官中士悟之南宮列仙下士悟之在世長年遊行三界昇入金門左玄真人曰學道之士持誦此經萬遍十天善神衛護其人玉符保身金液鍊形神俱妙與道合真正一真人曰家有此經悟解之者文輝不生衆聖護門神昇上界朝拜高尊切滿得就想感帝君誦持不退身騰紫雲



李蘭齡
蘭齡小姐清賞Y P